

頤  
道  
堂  
詩  
選

顧道堂詩選卷四

錢塘 陳文述 退庵

古今體詩

薊門秋望

落日薊門望秋色從西來飛沙併落葉直上生浮埃碣石  
汨溟渤居庸開崔嵬逝水日東下白浪渾河迴左攬復右  
眺方寸周八垓古人不可見代謝成劫灰茫茫萬古心感  
此小百哀長風起天末一掃浮雲開夕陽正照人更憶黃  
金臺

出自薊北門

晨起秣征驂結束事遊翱出自薊北門風色何蕭蕭湖桑

亦已蕪原柳猶未凋飛雨從西來落葉紛飄搖衰草嚙疲  
馬天空起盤雕驅車絕長河直上高梁橋回頭望城闕白  
日浮雲歔清時息征戰壯士聞弓刀三復參軍詩慨焉心  
忉忉

清河旅舍中丞師以新鑄銅劍見示屬賦

庚申夏中丞殲寇海上獲安南大統兵及其銅印  
劍卽印銅所鑄也

出匣白鵬尾入手蒼龍精六丁下爐鑄此赤堇英坐客  
快起舞虹氣飛華纓潢池昔盜弄釜底驕餘生交南千國  
憲樓船助橫行銅印作軍符主者大統兵千奴聽指揮螳  
臂當車將中丞初莅浙東鼓方專征三鎮聽節制號令嚴

且明一戰摧舳艫再戰殲長鯨獲其進祿侯鏗仗兼麾旌  
此印亦就俘海氣銅花腥民冶鑄爲劒廣狹中度程慙慙  
秋星芒皎皎銀河橫中有外國字突兀蛟龍驚憶昔從幕  
府籌海嘗深更羽檄捷若飛弓刀鏗有聲孫吳出天授豈  
不闢精誠撫此三歎息頑物亦有靈昔以佐兇孽今以助  
忠貞應同正威嚴四字鐫佳銘中丞平艇匪得大小銅礮  
八十餘分隸三鎮新建海  
船名之曰正威礮嘉礮之去逆  
歸正效靈助威也有正威礮銘  
錄但千金值萬世垂令名

懷柔道中晚眺

野眺延秋色斜陽尙幾分晚花寒寒雨老樹隔關雲接翅  
城鴉隊橫驅牧馬羣北平知不遠閒話李將軍

密雲懷古

岩巖三輔拱神京遺蹟猶傳古北平  
七鎮地形盤虎穴九莊山勢接龍城  
野鷗春浴金溝淀戰馬秋閒石匣營  
應是時清不忘武蒼涼曉日上危旌

庠奚舊縣未全譌秋入商聲落葉多  
黑峪西來連穆峪白河東下接潮河  
雄邊兒女風雲氣絕塞牛羊勅勒歌  
魏武當年親弭節檀山遺壁尙嵯峨

黍谷是戰國時鄒衍吹律處今有祠

五德三騶載簪垂更從黍谷拜荒祠  
氣能動地才原大口可談天語定奇  
買駿無人空自惜雕龍餘子未堪師  
世間寒士知多少思向先生借律吹

白檀山是魏武帝征烏桓駐兵處

當年遠道破烏桓  
萬馬橫驅過白檀  
北去庸才走袁術  
東來嚮道訪田盤  
曹王姓氏驚邊塞  
漢將功名重建安  
畢竟英雄誰得似  
平心論史眼須寬

相近有曹王山

### 覽勝軒

白澗連雄鎮  
青山接塞垣  
萬峯盤輦路  
一綫上天門  
曉日生紅暈  
秋雲蕩碧痕  
茫茫收指掌  
眼底盡中原

### 南天門

我昔登泰山  
直上南天門  
其下十八盤  
惆悵驚心魂  
今爲塞外遊  
又向天門上  
秋霄決眼明  
層雲入胸盪  
迢迢望陰山  
遠見秦時城  
潮河繞其下  
彷彿奔濤聲  
上山復下山  
行古北口  
西風吹馬鞭  
去折關門柳

飲馬長城窟

西風吹黃榆葉落長城窟窟深水亦寒飲馬傷馬骨少年  
事遠遊驅馬心徘徊垂鞭登古原浮雲崦嵫來崦嵫何迢  
迢相看萬餘里古來戰場血併作窟中水日暮心惻惻聲  
嘶難爲行下有秦時石上有秦時城

長城一百韻

雄邊限中外萬山勢前劣長城隨蜿蜒縈青復繚白矯若  
羣龍翔趨若萬馬慕熱若排雁齒迴若展鳥翮或平若几  
案或岸若巾幘或列若圍屏或峭若絕壁翼之夾空牆上  
以初桃城冠首高口岑連尾屬者蟬其長及萬里其高逾  
百尺礮臺密或疎營墩雙更隻緯度儼羅星楸枰宛置奕

出塞方及今讀史憶在昔長城非始秦趙燕有遺則武靈  
城善陽白道亘塢塿秦開城造陽險要五原益勝算盡五

利強兵雄七國括地志可尋水經注堪輿祖龍御區夏鞭

笞凌八極識緯誰所爲先幾示隱僻蒙楊本名將

始皇使蒙公楊

翁子修城將兵守絕域臨洮達遼東連雲起埏埴僉名建

見淮南子

老弱發徒及遷謫郡國困轉輸丁男苦力役已復亂天紀

遑顧絕地脈方圖世系長兼欲中外隔豈知亡秦入寢門

侍朝夕北朝數魏齊防邊屢增益赤城資保障黃櫨總阨

塞大業繼開皇踵修亦無策雖云二旬罷寧不殫民力稔

茲薩水戰兩軍互俘馘黃衫戰血殷惜茲錢與麥保塞孰

銘功開邊誰啓隙得失局數變盛衰勢屢易我行從西來



關樹黯深碧殘堞綠崇椒一一目親擊睥睨半頽廢垣墉  
多剝蝕仄疑天柱傾裂駭太華擎凸凹澗底臥崎嶇道旁  
踏蕭蕭牆上葑蒨蒨根下石成樓墮殘瓦亦作鴛鴦尿風  
雨不計年繡出古苔色斜陽射雲鱗幻作野燒赤潮河東  
入關秋濤肆衝激居人憂短垣往往拾殘骸遺趾犁爲田  
縱橫劃阡陌秋雨洗繡鏃春泥耕折戟分明古戰場離離  
搖黍稷乃知百年來關塞息兵革因思前代事定都此焉  
宅防旣九邊廣險乃三衛通守此作藩籬一步卽強敵據  
險置亭障沿邊作疆場雲屯移玉帳星飛馳羽檄萬馬各  
銜枚千騎競鳴鏑宵明烽火紅曉壓陣雲黑壯士盡裴老  
宿將誰嘍嘈大敵各勝負陰謀互訶刺年年事防秋林立

旌竿植萬杵築邊牆力盡不得息峻比金塘高險過銅梁  
阨狂風吹旋沙驚心遠行客飲馬深窟中寒水刀光割賦  
豈登高作心因懷古惻輿地按志乘博物披典冊境本晉  
秦連地向甘涼闢俯坻井陘吭高懸大行脊豁達開陽關  
迢遞抵陰磧連山斷嶂嶺入海禦潮汐此地古北平名亦  
稱虎北左顧居庸近右控喜峯直紫劑與白馬相望若拱  
翊一綫達康莊此路通郵驛萬家聚雄鎮規模甚整飭  
本朝威力盛萬國奉玉帛中外況一家重關等門闕白雲  
卅九旗恪盡屏藩職在外畫旗界在內編旗籍婚姻旣相  
通語言不須譯山莊歲臨莅 睿情煩暑滌翠華來往經  
龍旗映羽翟秋獮舊威弧閭場分界畫羽族旣積壓毛羣

亦枕藉一發動中堅三驅乃旌獲驚黃交孔翠便蕃恩寵  
錫方將倚腹心寧必防肘腋更聞木蘭境頽隍互沙磧云  
是古長城不知何代蹟旣無載籍垂兼少碑碣勒疏仡或  
循蜚荒遠渺難測  
先皇制御論片語解羣惑關門暫  
停鞭鼓勇一登陟霽景三霄近陰崖萬象匿連岡青未了  
秋容寫明燐殘甑試磨洗年代猶可識古今百戰地壯士  
立功績白骨不成灰定復與城積上下二千載興亡悲慙  
慙乃知恃險要不若崇明德愧無勒銘才憑弔耿胸臆

古北口

巍巍太行山蜿蜒抱河曲連峯驅奔濤至此勢一束兩崖  
峙壁壘一綫通車軸曉日四扇開重關起平陸其上橫邊

牆畔睨斷復續古色積深黑云是前朝築朔河從北來經  
流繞其麓直下達潞河可漕太倉粟烽火銷百年灌林鬱  
叢木秋氣雖已深驛柳黯濃綠野人墾山田往往拾金鏃  
此地譏不征深意別有屬雁臣出入便羸綱往來熟筭  
誰所司老兵臥弓觸 本朝武功盛廣輪闊幘幅青海作  
郊圻木蘭作苑囿蒙古冊九旗稽首盡臣僕 祖制尙  
續武車攻及考牧行罔例九秋避暑先三伏輦路塵不飛  
翠華靜於蘄關塞若門闔所過霖雨霖我行將出關日晏  
車脫輶犢從塞外歸鴉向城頭宿暮色崦嵫來一燈出深  
屋

### 出塞

突兀邊牆勢壯哉，短衣長劒出關來。  
馬肥苜蓿花千里，人醉蒲桃酒一杯。  
白日陰森雙峽束，青天蒼莽萬山開。  
棄繻已覺非年少，獨立斜陽首更迴。  
驛柳關榆葉半黃，壓雲嘹唳雁催涼。  
北來山勢橫元菟，西去河聲走白狼。  
是處閒屯細柳，有人簪筆賦長楊。  
高歌勅勒搖鞭去，不爲前朝弔戰場。

### 關山月

關山月照長城，長城萬里何時平。  
祖龍骨朽地脈斷，秦時明月今猶明。  
關山月照青海連，天沙浪駭關氏幾輩。  
銷紅顏，惟有清輝長不改。  
關山月照征人征，人老死無青春。  
劒花生暈，弓影側玉關成。  
清邊摩關山月照，思婦思。

婦高樓嗟獨守圓作明鏡纖蛾眉夜夜天南看北斗關山  
月光掩銀河渡銀河落天西向去紅柳飛花白草低更有  
銀河向西路關山月影落黃河底黃河一綫昆侖起東行  
萬里入中原江南都飲黃河水關山月淒以悲雪花暗天  
雲疑疑邊風夜緊翻繡旗健兒蜩縮寒無衣關山月圓復  
缺明蟾玉兔光長潔歸人幾度夢刀鐔又有行人怨離別  
關山月照愁復照歡行人暫去封侯還海宇清宴無波瀾  
願教三五關山月常與紅閨二八看

夜宿老虎峯下

短衣長劒控劣馬行人夜宿虎峯下虎峯如虎高崔嵬崕  
呀口向青天開其下虎穴虎所聚夜夜虎腥吹入戶三更

月黑風蕭蕭鄰家逐虎聲喧呶四更月落星掛樹彎弓躍馬前山去

曉過青石梁

明星出地高荒雞語隔勝涼風吹古原行子心寂寞山徑入深黑道險心駭愕一峯巨人立兩崖奇鬼搏迎面森崔嵬當路橫磊砢六甲神力驅五丁鬼斧鑿羅村畫偃仞累棋盤塞博僵極貳負尸醜磔蚩尤髀參天蔽樺榆隨地湧瀾洑峯腰轉羊腸異境定可樂大山宮小山名辨爾定霍愈行勢愈陡鼓勇厲腰腳巍巍青石梁一綫上垠塢分明蒼龍背突兀出林薄隱隱見鱗爪餘怒勢猶攫一轉境一變三休氣三作漸漸至絕頂萬山一齊躍紅霞消盡雪白

雲蕩虛廓顯然列屏障隱若置城郭百夫固礪砮重關抵  
鎖鑰似華據陰坂疑江亘熱索陰霾掃積霧澗底見樓閣  
來蹤目已迷去路心難度過此近灤河開國境先拓輦路  
經翠華險阻盡鏟削豹尾走千騎統裝移萬幕驟綱次  
第來滑澁四蹄卻噴沫滯作雲天風急鈴鐸身已據層厓  
心猶悸絕壑迴看下坡險驂駢後車絡行行赴壑蛇步步  
俯啄鶴人馬相共命步急不暇酌操縱苟失勢倏忽千丈  
落吁嗟輪蹄鐵馬得不銷鑠就曠怡心神出險定魂魄因  
憶南天門經行事方昨峯頂盤厓巖石齒利鋒鏑造物幻  
文心奇險擅各各前行經黃土坦蕩若河洛相去知幾里  
回首青漠漠



同作

阮元

盤龍身蜿蜒飛鳳翼  
膈膊山勢雖雄奇  
非人終寂寞庚  
庚青石梁蹟阻心驚愕  
疇能驅輪轂上與石相搏  
漢晉久恢張金元亦補落  
疑是烏桓開或爲慕容鑿  
山脈向東走象緯測外博  
盤旋登領脊攀援上肩膊  
礙馬刪枯槎滑石塞清約  
客嗟行路難人減遊山樂  
及其升高梁潑眼頓揮霍  
南山與北山萬笏低于腳  
白雲參錯之一一起垠塢  
山光翠太濃天色青轉薄  
仙靈定來往虎豹敢騰攫  
是時秋八月西風寒始作  
塞雁向陽飛蕃馬思北躍  
去來挈吟侶驤首倚寥廓  
吳山吾嘗領四載住城郭  
春遊減騶從夜景阻筦鑰  
縱有得句時但向梅花索

顧陳詩竝好山林復臺閣披圖想塞垣心旌共懸度快  
哉度此梁胸襟屢開拓語險山失奇筆銳石將削我  
朝合中外威德連北幕四十九藩臣奔走懼少卻逾茲  
興桓嶺振以尼山鐸三秋駐翠輦萬象呈谿壑輦道仰  
鬱盤馬埒遠連絡金根天子車陰羽王會鶴高山作  
康之周雅歌桓酌御氣通虹梁豈復有虎落所以輪蹄  
鐵日與石火鑠今年秋氣早霜月已茲魄迴思癸丑秋  
十年事猶昨天外多劒鋒依然礪青鏑詩人復歸來得  
句定各各行吟涉灤水如蒿有伊洛梁上雲漫漫梁下  
青漠漠

馬圈子

前梁上青石後梁下黃土上比猱升木下若幾撥弩中間  
數里地平坦闢堂廡守險此焉可吭扼背乃拊前朝百戰  
地重兵此應聚中外今一家來往順行旅時清戍亦間野  
花上樓櫓在德不在險此理信今古蕃馬立平沙木葉下  
秋雨

常山峪小憩試茗

茆屋疎林坐曉煙閒中清味亦堪憐誰將龍井山中茗來  
試狼河塞外泉

三道梁望山頂孤松

午經三道梁馬頭立羣峯立馬望層巔突兀撐孤松絕壁  
瘦筵倚枯根蟠玲瓏何年破石骨騰此天池龍蒼髯拂白

日老榦爭青空壽華放五粒古雪明三冬平臨萬枯柏俯  
視千芙蓉欲往不可卽石徑雲濛濛

葦峪

人馬盤山腰愈轉境愈上腳底羣峯來作勢盡北向近可  
置几席遠或列屏障絕壁忽迎面摩挲若衣桁塞外秋氣  
高霜華染層嶂青崖間紅葉紫翠非一狀中間闕堂基應  
可卓御帳漸至最高處天地洗青曠目無纖塵翳胸有  
層雲盪微聞波濤聲灤河瀉秋漲

晚至喀喇河屯遇雨

出險途始曠青山插天表雨聲從西來溼雲低樹杪離宮  
面層嶂幽憩恣遐討回望所來徑石梁青未了絕壁石氣

暗重林深窈窕積水匯深淵倒影殊晶晶屢轉屢不窮岡  
巒互環抱下坂勢急直快馬捷飛鳥葦峪高切雲徑路曲  
而省山頂明孤松作勢甚夭矯雲罅漏日光一綫割昏曉  
直上登其巔百折羊腸繞行行見灤水秋色寫紅蓼雨勢  
方未已平原阻行潦安得飛廉驅陰霾淨如掃淋浪題驛  
壁歸途證鴻爪短檠照殘墨才短句亦少臥聽飢馬鳴空  
槽嚙枯草

雨中望灤河

浮橋亘中流雙虹臥溼翠灤水從東來屈曲走溶溶發源  
牧厰界道里遠難計枝水三十餘一一名可誌熱河山莊  
繞伊邈閭場至索頭及武列稱名今昔異豹河卽高石按

圖境相值餘水古無考或者略其細曠蕩金蓮川高寒雪  
峯寺經流之所經遺蹟近涯浹入塞蟠虛龍乃今潘口地  
蘭陁及清陁迴流勢迢遞分支始入海厥性疏不滯遙遙  
二千里經緯掌中示惟灤古無考水經釋濡字字異音則  
同浙澗有前例道元精考訂濡水頗詳識來會云有九發  
源云有二最遠禦夷鎮厥壤記北魏連淵及曲河歸墟在  
形勢我思水稱濡同者更有四涿郡流漾演河間阻砥揭  
易州名聖女載之廣輿記若梧有濡山名水乃其類惟此  
音同灤非關濡流義沿譌之所由或當李唐世舊書薛訥  
傳新書地理志更開飲馬來墓碑勒劉濟遼時名烏灤王  
曾使車泣元代名御河延祐紀修治上都譌商都鑿空了

無意亦有小灤河嶺陽出瘳沸郭屯始來匯塞田資灌漑  
過此始稱灤名或因此置載籍失明文詎敢騁私議 本  
朝幅幘廣木蘭嫺獵騎別墅水之陽秋狩常 駐蹕源流  
經履勘一一出審諦 高皇摘天藻鴻文垂 御製方  
今秋氣深錦樹漸綺麗關雲擁翠華邊草籍紫軟 金輿  
甫經過輦路平不泥我來索筆遊平原走驂駟明發當渡  
河私願祝晴霽仰視含雨雲猶傍遠巖漬

雨霽過廣仁嶺

黑城望青山萬峯聚深秀熱河控其左灤河帶其右曉行  
阻積潦舉裳不敢就昨宵急山雨雲氣滃成雪嵐蒸熱河  
熱屋破漏天漏僕夫愁戒途耳側各眉皺頑雲掃清風餘

響在屋廡驅馬登崇岡蹄滑石磴漚岔河及塔峯日駭名  
易謬高下經謁确縱橫排斜袞鼎鼎博塞層層盡何恆  
高或城堞起深或非幹贅枯藤叫身矯老樹鶴骨瘦娟娟  
青嵩吟蓬蓬白雲繇瀑響諸澗合霧消衆峯觀石梁已絕  
奇陟險此則又上訴 仁皇年大典朔秋狩興圖闢廣大  
世界祝仁壽十鼓誌旣攻八荒樂在宥肄武款藩部垂訓  
重堂構六飛軫崎嶇五丁鑿巖岫嘉名誌肇昔世世率由  
舊從此逕路通川谷麗錯繡 今皇繼家法選徒諏吉戊  
司空平道路班臣飭營候楚蜀全境清神武仰天授捷書  
萬里來祥雲麗晴晝鏘鏘豹尾班翼翼飛龍殿詞曹盡楊  
馬貴戚半田寶雁臣方來賓屢從驛路近計日幸木蘭威



弧親射獸及茲秋霖佳不異春雨透徐行恐傷稼按轡不  
敢驟數典徵梁鄒紀盛說靈圉彌復念水旱宵旰勤補救  
薄海消瘡痍家法繼忠厚白雲諸侯王率從挈領袖道左  
各羅拜迎輦惟恐後此地古遼陽遺文尙可究墨蚪及雲  
渡名字各紛糅俚儒不出戶傳譌見聞謏蜿蜒起伏龍飛  
翔夢靈鷲搖鞭雪花大郵程北風吼回望最高處殘雲半  
巖覆

烏桓道中聞白翎雀用元張昱韻

烏桓道中白翎雀張句天山雪花隨飲啄有時作勢戾晴霄  
飛去西流弱水弱燕支日落瀚海赤照見盤空好胸臆琵琶  
誰譜碩德閭彈入黑河秋雨急玉帳夜勸蒲桃觴寶刀

醉倚銅弦傍銀貂小部舞回鶻頗與此雀相頡頏紇于山  
頭凍死雀何不飛去生處樂爭似白翎隨馬飛萬里風清  
靜鈴索只今聽汝烏灤邊塞山萬疊橫燕然龍旗不動  
翠華麗高臺萬里消狼煙

邊月

邊風夜緊月生闌多少征人馬上看刁斗無聲沉萬幕關  
山有影上千盤應憐漢苑紅妝怨曾照秦城白骨寒兒女  
不知秋塞遠宵分祇解說長安

蕃馬

笳聲殷地萬山開牧馬千屯錦作堆苜蓿秋風閒虎旅蒲  
桃春雨病龍媒已逢細柳銷烽後未許長楊較獵來一例

牛羊臥衰草長嘶嗟爾出羣才

寓齋壁間題盛甫山舍人畫雙松

邊榆落葉風蕭蕭灤河八月飛秋濤誰將勁筆寫孤幹虛  
堂陡覺層厓高一株偃蹇山之均孤根鬱律蟠嶢嶢礫石  
突兀勢崛強千年老鶴不敢巢一株特立崇山椒擎雲直  
上千層霄萬峯鋪翠作平地飛花吹落長城壕孫枝傷出  
伸龍腰橫空十丈蒼鱗搖倒挂絕壁飲深澗欲上不上愁  
猿猱我昨驅車從西來石梁橫截青天高濃陰疊嶂冷秋  
色白日不到疑深宵松州古境此間是支離林立紛周遭  
亦有異種出嶺北霜後葉落隨風凋仙莊萬壑響秋雨  
松霞松雪題名標德匯門前騎馬過綠雲滸出青林梢舍

人畫松得松意瘦立人亦如松喬木蘭從獵秋扈 蹕翦  
燭視草勤揮毫有時興酣寫此幅墨花浮動冰文綃冥心  
獨造泣真宰風雨黯黯慘不驕畢宏韋偃去已久此手一  
出空其曹秋筵一夜北風起疑是壁上聲蕭騷夜深塞月  
照秋影夢回忽憶錢塘潮

寓齋詠茱萸花有懷舍弟甌江

灤水西頭華峪雪甌江東畔海門沙五千里外空回首愁  
看茱萸一翦花

敬題

避暑山莊十首

靈囿黃圖闢神皋紫塞環白橫諸道水青鼎萬重山蒼月

連青海邊雲接玉關前朝三衛地今日戍樓間

松漠籌邊地和林避暑年層臺唐繡嶺復道漢甘泉柳外  
離宮近花陰甲帳圓遙知撫綏意不羨賦遊仙

萬樹秋如水仙閣帳殿開星河龍節去秋寒雁臣來自霄  
名王部烏桓上將才兩行只孫服都獻萬年杯

萬騎出回中鳴箭起大風天威親射虎女騎亦當熊瀚  
海無傳箭天山早挂弓時清仍肄武長劍倚崢嶸

萬里西天竺東來幾法王須彌間覺路宗乘轡慈航花雨  
飛經座鬘雲結梵香遙瞻天可汗聖壽滿珠長

訪古談遺事虛龍舊置京雲橫大寧塔月上古長城飢馬  
迷荒驛盤雕起廢營於今書作雒澗澗其澄清

三省紅旗捷風行萬里秋虎賁初錫宴龍額舊封侯威重  
諸藩拜恩深十賚周惟應麟閣上著意寫兜鍪

一卷朝天集三年報政期年華晉荀羨經濟宋韓琦恩重  
樞臣述心清聖主知玉音勤問答魚藻紀恩私

自古籌邊策稱藩卽外臣直來天北極嗟爾越南人興廢  
悲黎阮風濤靖粵閩遺民許歸去嘉觀永無塵

有客遨遊去釋毫覽塞垣山川慙幽薊城郭弔金元行殿  
螭頭立和門豹尾翻一篇上林賦狗監可能言

### 武列水

江源非岷山

見余霞客集

河源豈積石崑崙南北流糾謬訂載

籍兩戒尙如此稔此枝水百武列紀水經分合誤荒僻三

藏東西中

見水經注

載筆未親歷龍泉與龍芻通塞疑莫釋東

南歷石挺倒影夕陽赤

木朝一中外無復門閼隔肆武

重秋彌闔場木蘭關避暑建仙莊大川抱絡繹念茲沿誤

久幾暇精考覈名王與內臣奉詔走沙磧仙槎乘張騫

虎符佩都實始知紀載謬目擊勝耳食西山陀羅海察罕

字可譯中出玳瑁溝默沁有遺蹟東出三道溝賽音達承

德自匯溫泉溫始名熱河熱南流入灤河歸海達潮汐煌

煌御筆記天章析地脈更擬訂溫源輿圖備方策

十五善射

長楸玉埒聲瓏瓏細纈龍文鞘寶弓一聲明月裂金鏃百  
步隨聲下花鳥薰羅袴留花盤雲萬人壓場看冠軍中使

傳宣尙方賜雀尾搖搖麗金翠

獵騎

繡旗風急圍場圓金鈴玉鐙走滿川  
蜩蟬壯士健身手馬上拗折珊瑚鞭  
赤驃獨出掠飛燕雪中亂點桃花片  
左射駕鷄右射雕燕支血染白翎箭  
南山猛虎千年強木葉吹落秋林黃  
琥珀入地倏鬼哭小隊朱纓殺虎槍

夜聞警鐘

鐘聲從何來髮然破清夢初疑琴再彈  
復似笛三弄合比華僧梵散作兩軍  
閔清如泉琤琮湧若潮潏洞大聲牛鳴  
卵長嘶馬脫鞵嗷嗷驚哀鴻墮墮和鳴  
鳳秋原羣獸噪春林萬鳥哢悠揚孫登  
嘯猖狂阮籍慟廣樂聽記秦雄風賦



撫宋豈止寸筵撞眞覺八音共一聲千百聲盡向耳根送  
此器來西洋厥學義取重樞機雙輪轉收發一綫縱巧者  
亦爲之赤董治磨礱非鐘得鐘名畱作枕函供無異銅籤  
投可代木枕川遲早皆任爲杪刻盡能中不頓雖人呼宛  
若晁氏從稱閭理則那俗稱閭鐘名警義可頌嗟我百無成猛  
省發深痛

札什倫布華言須彌福壽之廟

琳宮層疊壓崔嵬金瓦光凝慧日開初地巒雲浮白塔中  
天花雨下紅臺此行眞似遊仙去當日曾聞禮佛來入覲  
班禪親卓錫 高皇神武亦雄哉

布達拉華言普陀宗乘之廟

普陀宗乘說慈航藥水珠宮倚夕陽寶塔七層盤紫塞香  
臺四面界紅牆山分南海譚經座果證西天選佛場四十  
九旗膜拜地禪心爭及 聖謨長

殊像寺後院疊石

紅門敞琳宮一徑入秋色落葉作雨聲松影滿庭直青山  
闕堂基古殿啓門闕疊石誰所爲奇險快胸臆驅山六甲  
奇鑿竅五丁力壓頂懸厓危迎面絕壁塞溝峪互襟帶峯  
嶺異橫側磴道知幾盤鼓勇試登陟瘦削扶鶴脰平展跨  
鳳翼重樓出厓展寶閣壓則另黛暗兩厓峻玉立雙笏植  
豁達神光融陰森鬼氣逼來蹤倏已迷去路杳難卽一徑  
達幽邃古洞入昏黑盤旋九曲深頃刻萬象匿觸帽粘蠟

峭撲衣飛蠟蠟石梁亘虛空躡足不暇息斜隙夕陽倒圓  
景午陰戾乳竇佛珠冷素書仙蠹蝕草香名半疑苔古篆  
難識獨行失昏曉屢轉誤南北入幽聲不聞出險心尙惑  
茫茫塞上山此境洵難得出門逢獵騎搖鞭歌勸勒

石挺

今名磬鍾峯

塞上多奇峯都作太古色此峯絕依傍拔地隱深黑本銳  
末乃豐上寬下反窄四圍面面圓一上亭亭直乍疑削工  
錘渾似出埏埴峯腰白璫花知是何年植八月西風起吹  
作山僧食石挺注水經峯即水經注所稱石挺也博古道元識風雨數  
千載不傾亦不泐武列繞其下倒影射崩男石碣勒奇字  
畱待後人釋峯則石幢一鐫嘉名錫磬鍾天章輝翰墨

通撰 仙莊南作鎮塞山北

遼宮遺趾

金箭開東國珠旗起北方契丹畱舊蹟耶律溯殘疆萬里  
橫逾漠千山遠抵潢屬珊司地后遙輦重天皇乙室淵源  
貴辰州道路長五京基始闢九帳士尤強十部銀纓勒千  
羣鐵襴褱軍都衣墨綠鉢竝川丹黃地寶呈金馬河源潮  
白狼紫蒙分郡邑白雲掃砵陳開道龍城畔遙鄰鶴淀傍  
離宮宏避暑別殿署含涼射柳閒神帳看花近御牀千齡  
天壽吉萬福聖躬康貴戚惟蕭氏昭儀有細娘紅泥椒作  
壁白日杏爲梁彩鳳扶仙輦明娥豔佛妝樹生連理木瓜  
有合歡瓢繡院連諸幄妝臺接便房魚燈萬花影鹿麕百

神鵲小隊銀貂舞春風回鵲裝神維祀應庇泊合間鴛鴦  
拜日儀原古薰天禮近襍鐵驅書入貢白鵲紀呈祥蟠字  
貽金帖燕支價扮囊秋山如近甸春水問延芳五代爭棋  
局中原付石郎國書頒鄭重漢仗擁輝煌盡闢燕雲地終  
開日月堂夢先徵定晉縣亦號行唐獵騎頒鵲鴨雄邊豸  
驕驍強鄰惟趙宋賢使有蘇王驛路開諸館前朝坐兩廊  
方袞隆七拜捫酒賜三行簞簞嫺新調琵琶肄教坊林牙  
烏帽側詳袞紫衫颺西夏先歸命東突久覲光魚符合金  
鑰應鉏作牙璋勘木雌雄箭燐柴黑白羊九層臺截噪八  
角殿琅當龍鳳軍齊列牛魚宴屢張豈知遙部落竟爾大  
披猖皮帳來征騎眉宮作戰場杏闕空寂寞棠梨付蒼茫

燕子城何在魚兒泊亦亡無從問興聖有客弔延昌潭柘  
畱遺壁華林失故莊碑消春雨蝕幢倚暮雲荒縱目悲千  
古迴心感十香廟垣飛木葉惆悵古遼陽

迴心院詞

銀燈暈碧翠被單合歡帳下鴛鴦寒君恩如水去不返迴  
天力易迴心難金雁斜飛子絃斷積歲青苔閉深殿海內  
作賦無奇才自譜迴心署深院院中芳草重生春香枕不  
染遊絲塵君心雖迴妾命薄鴛媒亦是彈箏人十香詞寫  
花雙幅飛燕昭陽句空續宮史誰收諫獵書野人自著焚  
椒錄

龍騰苑遺址

龍騰苑起逍遙宮連房複道迴長虹清涼池頭夏無暑曲  
光海與天河通娥嬋嬋訓英麗姊妹花枝一雙膩承光  
建後建永華應是西京趙家例景雲上下連珠樓紛紛土  
木何年休南臨滄海北過嶺玉輦常伴香車遊鐵馬辛勤  
玉魚熟六月寒冰那能結生死恩情通替棺玉肌不損嬌  
紅雪鳳陽門高盤九重柳中人語修蛇雄司天太史記噩  
夢夢中月化五白龍貫甲歸來終不保禿頭小兒一束藁  
北門不啓南苑空微平陵上生秋草

月夜聞雁

邊月白如雪照人生遠哀西風急遙夜何處雁聲來酒琰  
消燈暈羈懷冷燭灰金城萬行柳落葉滿龍堆

射雕行

平沙莽莽風蕭蕭馬蹄得意猿臂驕強弓在手箭在腰仰  
首瞥見橫空雕平原落日秋心迥城上角聲吹雪冷手提  
金勒指向人一點遙空沒孤影十年學藝身手精金鏃未  
拔先有聲生平命中負絕技一箭直裂青霄勁翮飛隨  
繡翎下多少健兒各驚詫馬前羅拜飛將軍白月橫秋宵  
讌罷雁門秋老消邊塵龍堆走馬馬入雲短衣射獵不歸  
去飛將軍是故將軍

登風雲嶺望塞上諸山

極天蒼翠莽無邊襟抱三關帶九邊落日已懸飛鳥外秋  
陰直到馬蹄前白分灤水千條瀑青入齊州九點煙便擬



勒銘酬壯志不知何處是燕然

朔方健兒歌

朔方健兒幽并豪長弓硬箭腰帶刀燕支山高雪花大飛  
鷹逐兔呼其曹生搏猛虎擊豪酋上馬下馬如飛猱胡姬  
十五美如玉當醺勸客傾蒲桃醉數箭癢說時昔解衣不  
覺酸風高昔年詔發交河卒遠上秦城看邊月月中生縛  
五翎侯夜半橫刀入虎穴征人辛苦將軍功橫草功名空  
第一十年百戰還歸來不作交河道旁骨故人多畫雲臺  
上昔日小卒今大將誰識當年老健兒祇餘刀猶猶無恙  
吁嗟乎夢人垂楊生左肘古來遭際良非偶莫歎健兒好  
身千日盡尊前一杯酒

前燕慕容皝墓

紫蒙開帝邑銀鐙下星精世建遼東爵家傳塞北名淵源  
追厥次小字記元貞版齒規模異雄姿宇宙呈遺經心所  
尙元象識尤明王李皆良佐高裴有俊聲白狼遙控制元  
菟近縱橫派自高辛降心惟典午傾鐙勞庾翼致書答顧  
桓盟戍將資蘭勃新宮建柳城段遼歸後命石趙避前旌  
出入鬬螭塞飛揚貔虎營馬兜山掘險牛尾谷藏兵威望  
隆中外戈矛起弟兄三軍橫海過萬騎踏冰行書記推封  
奕忠臣數鞠彭禮因鄉飲尙農重籍田耕鐵築河濱出金  
隄佛寺縈封章朝服拜諫木道旁擎蜀夏人非武秦涼士  
遜勅偶然西鄙獵計日北邙迎麾手神人告傷心後世爭

寒花隨地發，邊草接天生。何處尋遺塚，荒涼短碣平。

後燕慕容熙墓

龍城西去龍山路，紅心草冷青楓暮。石馬無聲隧道平，一  
坏畱得符家墓。當日符家姊妹花，垂鬟卅六盡堆鴉。訓英  
更比娥娥麗，玉貌新妝豔曉霞。烏韉翠袖輕妝便，桃花寶  
馬嬌春燕。翻遣金輿從玉顏，白山青嶺經行徧。纔是遼東  
督戰歸，紅妝嬌彈汗濡衣。宮中別起承華殿，玉篆梁恩麗  
繡帷。殿前一夕西風起，銅箬塵暗銷羅綺。落葉哀蟬咽玉  
簫，宮車夜出秋如水。憶昔初營隧道年，下周數里錮三泉。  
金鳧銀雁飛難盡，玉匣珠襦望儼然。當時慘澹悲埋玉，豈  
料循環禍機伏。貫甲纔從南苑歸，橫尸已向西陵哭。同穴

居然慰所思羣臣揮淚尙餘悲人間金粉都如夢地下清涼別有池寶衣化盡繁華逝空留畫像當年製漆燈夜出陰火青斷碑猶照徽平字束縑謠成命不長風花轉眼亦滄桑韭町空立高雲廟無復遊人弔夕陽

### 伊遜河

西上溯烏灤云是伊遜河宜孫與儀栗譯語誰研摹

舊作伊松

亦作衣素宜孫儀栗今從本音

發源出木蘭屈曲經陂陀九折類蜀道奈

此羊腸何

俗名羊腸河

圍場盛豐草被水青鬚鬚靈藥不知名

流液滋盤渦犄角下白鹿連峯奔紫駝人飲百疾愈益壽

同嘉禾兼之水性輕清虛得中和中冷與玉泉衡量平不

陂

金山中冷泉京師玉泉塞外伊遜河水輕重相等

純皇垂御諭幾暇資吟哦

我來秋八月涼意生微波一碧遠無際澹若秋雲羅生平  
嗜茗飲不異傾紅螺觀此龍沙泉快飲遑知他一勺不爲  
少七椀曾未多非但慰消渴兼以消煩疴清風生兩腋還  
作盧仝歌索頭證水經更訂桑鄆譌

卽水經索頭水也

### 秋夜聞角

連雲玉帳枕雕戈沙磧明燈飯紫駝何處邊聲催畫角西  
風吹落白狼河

### 慶雲萬態奇峯歌和錢謝菴吏部

宋艮嶽中巨石也今在灤陽三座塔紀曉嵐宗伯  
時訪得之

紅羊劫冷秋煙碎片石無聲聞人代萬態奇峯五色雲縹

縵隨風落邊塞汴京常日起  
茗苑驛路黃封挽運勞一朶  
慶雲扶瑞靄分明紉綬麗  
神霄牟駝岡上煙塵起萬騎勤  
王鼓聲死陣雲如墨壓重城  
滄桑瞬息悲天水也同十鼓  
渡桑乾轉徙無端出玉關此  
目慣教邊雨洗當年曾共景  
星看繁華過眼春如掃北來  
曾植瓊華島珠簾殘照弔妝  
臺明鏡芙蓉倚清曉白衣蒼  
狗恨無窮莫向冰天問兩宮  
南渡江山畱片石錢塘亦有  
玉玲瓏

塞女

塞女如邊柳春風比歲華  
腰肢最婀娜顏色太天斜  
勸客蒲桃酒垂鬟芍藥花  
燕支山下路玉帳是兒家

塞女如邊月流光照客衣  
帽圍青鼠暖罽毼紫駝肥  
綠髮

初垂辭金鉞解繡韋琵琶歌一曲畱客不須歸

龍城引

五馬渡江龍失勢海內羣雄競分地鎮軍父子起紫濛一  
線龍城此間置龍城何高高乃在龍山南雙龍交角應天  
瑞至今雲氣疑空潭龍城何迢迢乃在柳城北城中宮闕  
城上樓遠望龍堆亘絕域龍城若龍龍所宮上馬破陣眞  
人龍兒輩尙能死石虎龍種豈與常人同君不見龍翔古  
寺今荒圯龍騰苑亦無遺趾惟有龍平陵上雲雨中猶學  
羣龍起

灤陽寓齋答人問西湖之勝

翠微三面湧青山一片湖波瀉碧瀾樓閣半從波際出林

繡都向鏡中看綠楊沙岸春風早紅樹僧樓夕照寒也有  
離宮寫明燼年年父老話迎鑾

題行館壁

此地長城外灤河據上游龍堆千里雪雁塞萬家秋玉帳  
沉宵夢金笳動古愁亂山森劍戟青出短牆頭  
萬山秋落葉風雨聲蕭蕭絕嶺朝盤馬陰崖夜射雕千秋  
迷故蹟百戰失前朝話到盧龍外雙花短燭銷  
作客頻年慣天涯短夢殘雲隨孤雁去花倚寶刀看天近  
銀河直風高白月寒琵琶聽不得何處夜深彈

潮河晚眺

茫茫虎北薊雄關策馬新從塞上還一夜西風吹落葉潮



河川上望陰山

長城夜月

明月關山夜寒光迴不流遙連龍塞影遠送鳳城秋客思  
生今夕笳聲動古愁江南兒女夢那識到幽州

石匣

殘月下空堞人言石匣營西風吹塞柳遠見密雲城天遠  
盤雕影秋高急雁聲於今非戰地弔古不談兵

曉渡白河

白河塞外來入關已百里曾讀道元注應卽古沽水丹嶺  
道其源鮑邱宜厥委渾榆並灌之東下捷如矢矧茲秋漲  
盛奔騰性益駛東來經庠奚故道猶可指密雲古重鎮前

朝屯戰士轉運艱飛輓通漕中葉始四利與一害籌策亦  
云旨中外今一家居民耕廢墾兵練餉亦簡陸運易方軌  
造舟纜浮梁庚庚橫雁齒遙望神祠樹曉日瞳矐紫

黃帝陵

稽古軒轅氏神靈誕壽邱黃星曜戊己玉版緯春秋相得  
三台助兵銷四帝謀阪泉克榆罔繚野戮蚩尤王母陰符  
授雄軍術士誦鑢歌息鵬鶚櫓鼓靖夔牛風后靈書負雷  
公素問壽經從王屋訪道向具茨求歲丹華胥夢宮商素  
女愁迎魚巡洛水服阜過汧流瑞纘神農雀官先少皞鳩  
獮京皆海若嬖媼姑亦諸侯天上騎龍去雲中駕鳳遊衣冠  
高塚在弓劍小臣收華蓋雲仍起荆山鼎尙留橋陵何處

是回首古神州

送中丞師旋浙

淮海鍾地秀毓此雲霄姿我師古鳳皇賀世鳴昌期早歲  
蔚華望逸翮振羽儀新政佐重華勲業隆鼎彝奉命撫  
吾浙憂民殷調飢籌海海氛靖教士士習移遂使十一州  
比戶皆恬嬉三年屆報政行李來京師兼程趨山莊遊子  
思瞻依天顏溫霽加陽春生光輝帝曰汝臣某今日  
之皋夔有爲先有守無偏復無私中外稱汝賢百口同一  
辭大吏盡如汝天下焉不治十日九召對召對輒移時語  
密不盡聞大要宣仁慈三接寵旣渥十賚恩尤滋醴醕上  
方味餅餤天厨炊冰挑及仙荔盛以金盤匪帳殿開褰宴

萬樹森茂，列坐名王。間玉醴，傾金卮，鈞天聽廣，樂逸響。  
心神怡承，筐侑綦幣，黃封輝陸離。帝心重久任，曰汝其  
旋歸。浙人惟汝愛浙，撫惟汝宜。典謨經濟，本儒者宜知之。  
惟汝勉初績，以佐明堂基。免冠再叩首，恩重感不支。裴忱  
敬風，夜敢忘臣所司。鰥生昔佐幕，親見公所爲。報國矢中  
丹，無有一念欺。此行偕往來，大略頗能知。所期清節勵益  
使，庶績熙他年。作宰相可卜天下肥，涼秋九月初驛路隨。  
星馳浮雲依白日，惜爲微名羈燕雀。搶枋榆弱翅，況久垂  
仰視。五色雲，悵望心依依。

灤陽歸得郭頻伽浙中書卻寄

策馬新從塞上回，片雲吹得一書來。讀殘涼夜銷燈暈，寫

顧道堂詩選卷四

三

對寒花伴酒杯夜雨芙蓉憶蟬鬢秋風苦宿病龍媒茫茫  
天壤紛餘子我獨江湖憶此才

燕市悲歌氣不豪滯淫如我亦無聊馬蹄塵土嘗難慣雞  
肋功名夢尙遙紅袖憐才同命薄玉關懷古亦魂銷可憐  
當代平津閣秋雨秋風久寂寥

蘭池宮當

離離芳草驪山下清渭無聲日東瀉離宮廿六入荒煙到  
處居民耕古瓦瓦當字署蘭池宮朱文小榻秦篆工微行  
遇盜此間是餘氣至今驚祖龍長生藥杜蓬萊采有人東  
去求滄海博浪驚沙震鐵椎力士將母是朱亥壁中伏者  
應其曹擊之不中亦足豪大索十日杳然逝刺客身手輕

荆高澄泥入手紫雲紫昆吾秋雪割龍尾手寫威陽可寸  
詩一泓還注蘭池水

送家默齋參戎之官閩中

又送征人去秋心感百端關河初落葉風雨獨憑欄別緒  
生今夕相思憶古歡崇盟重榮祿密契託芝蘭短夢三年  
隔封書幾度看燕臺芳草盡蕭寺佛燈殘握手逢秋晚談  
心到夜闌籌邊原習海返轡及遊灤不綰絲絲柳難畱去  
去鞍馬頭催月曉雁背落星寒海氣重洋近霞痕疊嶂盤  
弓刀森列閫韜略見登壇君已騰霄漢吾猶鍛羽翰名襟  
餘子易貧覺少年難白髮經年夢紅顏永夜歎此行過故  
里傳語報平安

張騫玉印歌

涼州一斛蒲桃紫鑿空身經三萬里漢家郎將此奇才論  
功西域疇能比忽見當筵玉一方白虹騰影爛生光篆紋  
細認西京字更爲開邊說武皇武皇當日矜威力詔書繹  
絡通諸國將軍頻出令居西材官疊戍輪臺北奉使惟君  
最出羣艱難萬死立奇勛丹心夜熱天山雪壯氣秋凌瀚  
海雲稜稜紅沫生芒角土花蝕字凋寒綠想見河源占募  
時一拳親拭昆侖玉噴徧河西更海西流傳小物亦稱奇  
星漢定向仙槎挂月窟曾同漢節攜玉關近接金城地幾  
番破虜隨騾騎索馬先懸母寡頭迴軍早斷何奴臂遺習  
何堪學奉春最憐失計是和親一聲黃鵠翻新調我爲籌

邊惜此人桂膏紅奪燕支色話到奇功倍珍襲合傳無端  
竝貳師銘勛未許齊堂邑跼促中年感壯遊摩挲古物弔  
千秋漢廷俊傑知多少祇憶當時博望侯

寄內

憐我歸期未可憑年年錦字託吳綾秋星簾幙涼於水春  
雨樓臺夜有燈那忍閒情留綺障空勞遠夢到觚稜他年  
偕隱終能踐茆屋花田住馬塍

班姬鮑妹舊知名林下閨中見性情一樣才華都勝我十  
分顏色總如卿吟成柳絮憐同調修到梅花定幾生膝下  
已容嬌女拜羸呼阿姊是傾城

題金粟道人像同梧門祭酒作



綽湖水碧春潮寒莓苔綠上紅闌干草堂夜雨寫金粟彩  
筆春風題玉山玉山才子神仙亞繡戶疎窗富臺榭山爲  
同人許姓康墩因宰相曾呼謝紅鸚畫檻碧螺觴海內名  
流翰墨場暮雪枇杷香酒國秋霜橘柚譙漁莊珠簾不卷  
寒蟾瘦滿身花影真如繡畫屏倚醉賦金裝銀燭傳花圖  
舉袖翠袖何人最擅名花遊一曲小瑤英玉鸞孤咽春橫  
蓬金雁斜飛夜按箏美人能歌客能舞鐵撥檀槽響春雨  
主人擘阮技尤精當筵自製新翻譜豪竹哀絲滿四筵座  
中褰屐盡翩翩一編雅集風流甚海內承平八十年龍飛  
淮甸真人起鐵騎橫江三百里王氣仍從建業開豪家都  
倚臨淮徙徙盡江南五萬家故園山水勝繁華蒼涼寫出

遺民意吟煞秋棠滿地花  
武略將軍國恩重眼前常抱河  
山痛三生花月總成塵  
五陵鞍馬真如夢興亡如此劇堪  
哀何處青山骨可埋  
自寫丹青寄寥落  
儒衣僧帽道人鞋  
當年俊侶空如昨  
倪楊老輩都蕭索  
載花人憶謝家湖  
洗桐誰訪雲林閣  
後來爭寫草堂圖  
瘦石寒梅定有無  
惆悵芙蓉花下水  
漁童小榜唱菰蒲

同作

蒙古法式善 梧門

玉山亭館今何有  
玉山風流炙人口  
可憐金粟託前身  
隱君之意不在酒  
少年結客姑蘇城  
三十六橋秋月明  
樵青收網榜歌唱  
瓊娘揜袖親調箏  
一時賓客詩中虎  
元鎮廉夫及伯雨  
玉鸞珍重配鐵龍  
水仙舟裏吟思苦

牀頭摘阮復彈棋贏得絲囊酒在巵烽火隔江僅百里  
平生歡笑倏成悲武略將軍歸海上彩衣金印天人樣  
老翁醉詠秋棠花夜闌秉燭餘悲壯曠銘像贊爲高懷  
藉草憑山便骨埋遷徙臨濠死亦好清魂如傍可詩齋  
曠世增懷文待詔生綃曲盡添毫妙碧梧翠竹半荒蕪  
桐帽櫻鞵猶冷峭我家舊住西涯西十頃芙蓉三里谿  
閒鷗野鷺參差見畫檻詩瓢次第攜幽姿摹出絕生色  
想見當年樽盤側吹笙振蕤綈足多惟有豪情壓不得  
野雲爲我圖耕漁我冠儼服清且臞異代相逢應一笑  
天地何處非蓬廬

都門五君詩

翁覃溪光祿方綱

祠官親奉俗陵閭三載歸來久閉門萬卷縹緗九州本千秋金石一家言詩宗山谷淵源古書入華嚴法界尊畱得靈光漢時殿北方學者此崑崙

法梧門學士式善

茫茫人海此騷壇明月詩龕坐夜闌下筆有神前輩少愛才如命古人難二千年史聽鐘讀有詩龕聽鐘圖七百家詩翦燭所藏海內七百刊家詩選所見集占得西涯煙水闊年年修竹報平安

吳穀人祭酒錫麒

東馬嚴徐重老成一編正味卽中聲碑題黑水推馮定嬾候花甌過李程臺閣文章唐四傑笙鏞典籍魯諸生白華

朱夢吟詩處秋水西湖徹底清

楊蓉裳農部

芳崇

關山花月總奚囊王後盧前最擅場萬里孤城倚虞謝十  
年郎署老馮唐兩行小吏修書竟幾輩朝官夾筆忙元白  
齊名吾有媿一編長慶夜焚香

張船山太史

問陶

應是中原獨角麟毫端奇氣出輪囷天教西蜀生才子我  
向東華識酒人主客圖中別涇渭英雄記裏感沉淪錦江  
玉壘家山夢秋雨何年洗戰塵

魏武葬不知處近世有於漳水發得者胡稚威石筍  
山房集中有此題因作一首卽用原韻

魏公餘智入邱壘生營高臺死疑冢冢中埋骨死謫詭臺  
上犒師生豪勇江漢巴蜀脈衝抗本初景升笑偏嬖巧將  
禪受付兒輩六朝故事此作偏張掖石馬書討曹司馬家  
兒旋接踵生平空復詡文采比似巨君說周孔西陵歌吹  
託遺令想見分香氣悲恐下錮三泉學秦政豈料終爲牧  
兒動我意此冢在臺下隧道幽深樓閣擁冢甄定比臺瓦  
堅可惜灰飛不留捧不見惠陵隔白帝行人下馬弔倥傯  
公論從知千載定如公等者眞飛蠓

原作

山陰

胡天游

稚威

昔公死計安邱壘巧向人間作疑冢豈知發覆竟千軍  
枉錮三泉功費勇生平意氣吞龍虎香履綢繆亦何憐

託人愛子情轉密終始謀全到芻餽不憚穿透河下土  
正怕摸金隨故踵早時應解愚秦政晚笑世龍同一孔  
速朽端爲達者論英雄祇似癡人恐恩仇斷從百世氓  
扣掘忽從須臾動可嗟數會窮神鬼尋盡衡漳力遮擁  
斲剖前和詎關謠灰飛寶器寧留捧誰何棺槨付天地  
齋送星辰無倥偬脫然委化了無窮公輩下看真蠅蠖

讀吳漢槎浚稽山辭書後

江左才人絕妙詞一篇長慶續微之燕支山下迴心院添  
作龍沙本事詩

宜城威望出王家青冢無端葬落花一曲鈔羅音響絕黑  
河秋雨弔琵琶

經年銀漢隔秋期  
貝葉青鴛懺悔遲  
飯禮空王怨憔悴  
畏吾何不譯關雎

紫蒙斜日隔春雲  
須女驂星擁畫輪  
解爲青天圓璧月  
玉顏小妹是何人

趙忠毅公鐵如意歌

趙公鐵心兼鐵骨  
手中常揮三尺鐵  
中夜起舞鬼神泣  
不擊唾壺擊恣魄  
廉而不剗鉤無饑  
君子之器良若斯  
三十六字傳銘詞  
詞中元氣生淋漓  
嗚呼天啓朝局大  
奄肆誰使太阿歸  
婦寺政柄分持四  
十孫朝右爭呼九  
千歲六州大錯錯  
不成一代金甌從  
此碎惜未親揮豎  
逆頭不及朱雲劍  
鋒利雁門風雪鐵  
衣寒老死代州不  
如意昔見此器



多異文或書壬戌或戊申歲在甲子復鑄此作者想亦張  
鼇春嗚呼此器經百鍊低昂河嶽走雷電星芒睽睽窺寒  
雲何以配之太白硯

清平高義女詩

義女高氏清平人少孤依兄嫂兄歿與嫂撫孤兒  
兒五歲嫂又歿臨終以兒委氏氏許之時年及笄  
矣家素封族人利其有促爲氏議昏氏拒之曰必  
待孤兒成立家有老嫗頗良謹氏厚撫之兒就鄉  
塾僕負而出嫗負而入餅餌湯水非氏親授不令  
嘗也兒遊戲失學則氏泣不止兒感憤力學補博  
士弟子氏年已三十餘老嫗者探其情氏慨然曰

吾爲高氏存孤彼何惜一坏土乎遂不嫁終其身  
年八十餘卒據山左詩鈔注義女名妙清明嘉靖  
間人其孤姪名鼎後爲禮部省祭官生子六人孫  
三十六人雲初繁衍書香接葉爲清平望族

守節易撫孤難卓哉高義女至行人所歎女家清平縣早  
年失怙恃辛苦依兄嫂兄嫂父母似無何兄也死與嫂撫  
孤兒孤兒尙黃口女亦年及笄無何嫂也病勢若風隕籜  
一綫在孤兒殷勤相付託族人利賁財謂女長當嫁東家  
富金張西家貴王謝女言謝族人孤兒受付託孤兒待長  
成再請議媒妁兒飲必親嘗兒食必親製一綫在孤兒苦  
心更深意見出就外傅誦讀女必知勤讀女心喜不讀女

心悲孤兒漸向學學成名亦成女年三十餘視兒若所生  
老嫗向女言女今長當嫁東家富金張西家貴王謝女言  
謝老嫗孤兒受付託心瘁身亦老何事議媒妁上可謝父  
母下可見兄嫂所望一坏土春秋煩祭掃女年八十餘服  
見孫曾列清平推望族義女瘁心力女心貫金石女節堅  
松筠願采崑崙玉爲女鐫貞珉一謚義女孝再謚義女貞  
一誠無難易以告萬世人